

Broj: 101-1799/20

Datum: 20.05.2020

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku elektroinstalacionog materijala potrebnog za sanaciju mokrog čvora u prizemlju zgrade ugovornog organa Radiotelevizije Bosne i Hercegovine u Sarajevu* odabran ponuđač **K-M SOLUTION d.o.o. iz Sarajeva.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-754/19 od 11.06.2019. godine Komisija za javne nabavke je, nakon poništenog prvog postupka nabavke u kojem nije primljena ni jedna ponuda, po drugi put pokrenula proceduru po konkurentskom zahtjevu za dostavljanje ponuda koji za predmet nabavke ima *nabavku elektroinstalacionog materijala potrebnog za sanaciju mokrog čvora u prizemlju zgrade ugovornog organa Radiotelevizije Bosne i Hercegovine u Sarajevu, i to sa predviđenim sklapanjem ugovora sa odabranim najpovoljnijim ponuđačem.*

Na predmetni postupak javne nabavke, objavljen na web portalu elektronskih javnih nabavki www.ejn.gov.ba dana 03.02.2020. godine pod brojem 113-7-1-10-3-28/20, a u skladu sa članom 88. Zakona o javnim nabavkama Bosne i Hercegovine ponudu je dostavio ponuđač **K-M SOLUTION d.o.o. iz Sarajeva** sa ukupnom cijenom od **KM 3.500,00** bez PDV-a, odnosno **KM 4.095,00** sa uračunatim PDV-om.

Provjerom valjanosti primljenih ponuda, te nakon što su pojašnjene i otklonjene sve nejasnoće u pojedinim stavkama specifikacije ponuđenog elektromaterijala, Komisija je ustanovila da je primljena ponuda pravno, tehnički i ekonomski validna, u skladu sa tenderskom dokumentacijom i Zakonom o javnim nabavkama Bosne i Hercegovine, pa je uzeta u razmatranje za valorizaciju ponuda i izbor najpovoljnijeg ponuđača.

S obzirom da se radilo o konkurenstkom zahtjevu za dostavljanje ponuda, te da se dodjela ugovora isključivo zasniva na najnižoj cijeni tehnički zadovoljavajuće ponude, Komisija je postupila u skladu sa članom 89. stav (1) Zakona o javnim nabavkama Bosne i Hercegovine i izvršila izbor najpovoljnije ponude.

Izveštaj Komisije za javne nabavke predstavlja sastavni dio ove Odluke

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.


Generalni direktor BHRT-a
Belmin Karamehmedović

Dostaviti:

- K-M SOLUTION d.o.o. Sarajevo
- Arhiva